



Bahan asal dari Arkib  
Negara Malaysia

● **PERDANA** Menteri Perancis, Enck Pierre Mauroy (kanan), diriringi oleh Perdana Menteri, Datuk Seri Dr. Mahathir Mohamad sewaktu memeriksa kawalan kehormatan oleh 55 pegawai dan anggota Batalion Ke-11 Rejimen Askar Melayu Diraja di Bangunan Parlimen, Kuala Lumpur, semalam. *Gambar Berita Harian.*

# MAS jaya tambah khidmat ke Paris

**KUALA LUMPUR, Isnin** — Perancis bersetuju memberi hak mendarat kedua kepada Sistem Penerbangan Malaysia (MAS) di Paris dan syarat-syarat mengennalnya akan ditetapkan tidak lama lagi.

Kerajaan Perancis telah mengundangi perwakilan Malaysia ke Paris bagi perbincangan lanjut mengenai perkara itu, kata Ketua Setiausaha Kementerian Luar, Tan Sri Zakaria Ali.

Menurutnya, persetujuan tersebut dicapai dalam rundingan antara Perdana Menteri, Datuk Seri Dr. Mahathir Mohamad, dan rakan sejawatnya, Enck Pierre Mauroy di sini.

Hadir dalam rundingan hampir dua jam

itu ialah perwakilan tertinggi kedua-dua negara. Antaranya, Timbalan Perdana Menteri, Datuk Musa Hitam; Menteri Kewangan, Tengku Razaleigh Hamzah; Menteri Perdagangan dan Perindustrian, Tengku Ahmad Rithauddeen yang juga Pemangku Menteri Luar; dan Menteri Pengangkutan, Datuk Lee San Choon.

## Menambah

Perwakilan Perancis termasuk Timbalan Perdana Menteri merangkap Menteri Perdagangan Luar, Enck Michel Jobert dan Menteri Laut, Enck Louis Le Penec.

Pemimpin Perancis dan rombongan 23 orang sedang dalam rangka lawatan tiga hari ke nega-

ra ini. Beliau tiba di sini semalam.

Tan Sri Zakaria memberitahu pemberita selepas rundingan itu, syarat-syarat persetujuan hak mendarat kedua itu akan ditetapkan di Paris sewaktu rundingan lanjut antara pegawai kedua-dua negara.

MAS kini diberi hanya satu hak mendarat di Paris. Kerajaan telah mengemukakan permintaan menambah hak kebenaran mendarat itu Jun lalu, sewaktu lawatan rasmi Enck Jobert ke sini.

Pada ketika itu, Enck Jobert hanya berjanji untuk memberi perhatian teliti terhadap permintaan tersebut. Jadi, persetujuan Kerajaan Perancis itu boleh disifatkan sebagai kejayaan pertama dalam

rundingan dua hala antara kedua-dua pemimpin.

Mengenai hal-hwal antarabangsa, Tan Sri Zakaria berkata, Datuk Seri Dr. Mahathir telah menjelaskan pendirian Malaysia mengenai krisis Kampuchea kepada Enck Mauroy.

"Kedua-dua negara bersetuju tentang pentingnya diadakan penyelesaian politik terhadap krisis Kampuchea. Rundingan ini juga membolehkan kedua-dua pihak memahami dengan lebih mendalam pengamatan masing-masing terhadap krisis itu," tambahnya.

Mengenai perdagangan, beliau menjelaskan, Malaysia telah menimbulkan peraturan baru Perancis yang mewajibkan barang-barang import ke negara itu ditulis dalam Bahasa Perancis.